

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-12284/26  
Sarajevo, 09.7.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača – Izgradnja rampi i nadstrešnica za invalidna lica**

#### **I**

Ugovor za javnu nabavku – Izgradnja rampi i nadstrešnica za invalidna lica (broj obavještenja 422-1-3-111-3-154/26 objavljeno na Portalu javnih nabavki dana 15.5.2026. godine i “Službenom glasniku BiH- Oglasnik javne nabavke” br. 36/26) dodjeljuje se ponuđaču „Sela“ d.o.o. Sarajevo sa ponudom u iznosu od 192.227,07 bez PDV-a, odnosno 224.905,67 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

#### **III**

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona i 3.3.2. tenderske dokumentacije koja se odnose na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

## **Obrazloženje**

Odlukom broj 02/12-19-12284/26 od 12.5.2026. godine Općina Novi Grad Sarajevo pokrenula je otvoreni postupak javne nabavke - Izgradnja rampi i nadstrešnica za invalidna lica, broj obavještenja 422-1-3-111-3-154/26 objavljeno na Portalu javnih nabavki dana 15.5.2026. godine i “Službenom glasniku BiH- Oglasnik javne nabavke” br. 36/26 dana.

Zapisnikom o otvaranju ponuda od 08.6.2026. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača:

1. „Sela“ d.o.o. Sarajevo i 2. “Teslaluks” d.o.o. Sarajevo.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je konstatovala da ponuda ponuđača „Teslaluks“ d.o.o. Sarajevo ne ispunjava uslov iz tačke 3.4.1. c) tenderske dokumentacije: „3.4.1. Što se tiče tehničke i profesionalne sposobnosti, u skladu sa članom 48. i 51. Zakona, ponuda će biti odbačena ako ponuđač ne ispuni slijedeći minimalni

uslov, a to je: .....” c) da je ponuđač opremljen neophodnom opremom za obavljanje predmetnih radova: kamion nosivosti do 5 tona - 1 kom. i mašina za iskop i utovar- 1 kom.”

Navedeno se dokazuje tačkom 3.4.2. d.) tednerske dokumentacije, te je ponuđač dužan dostaviti:

„Kao dokaz se dostavlja izvod iz knjige osnovnih sredstava (sa označenom pozicijom tražene opreme i mehanizacije) ili ugovor o iznajmljivanju opreme i mehanizacije (original ili ovjerena kopija), uz ostalu traženu dokumentaciju - za kamion dostaviti ovjerenu kopiju važeće saobraćajne dozvole; za radnu mašinu dostaviti ovjerenu kopiju važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. (original ili ovjerena kopija).”

Ponuđač „Teslaluks” d.o.o. Sarajevo je stranici 68. ponude dostavio ovjerenu fotokopiju saobraćajne dozvole za kamion nosivosti do 5 tona sa važenjem registracije vozila do 24.5.2026. godine, te je Komisija utvrdila da ponuđač nije dostavio važeću saobraćajnu dozvolu kako je to traženo tenderskom dokumentacijom.

Iz naprijed navedenog razloga utvrđeno je da ponuda ponuđača „Teslaluks“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (c), odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda ponuđača „Sela“ d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisiju je izvršila računsku kontrolu ponude, te utvrdila da je dostavljena ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

#### **DOSTAVITI:**

1. Ponuđačima u postupku
2. U spis
3. Komisija za javne nabavke radova

